


**TRENDMÖBEL**  
STUDIO D'AREDAMENT




Persenon - Tel. 0472 802530  
www.trendmoebel.com

# LAUSC DI LADINS

Redazion y amministrazione: Cësa di Ladins, strada Rezia 83, 39046 Urtijëi  
Tel. 0471/797199 - 0471/789294, Fax y ISDN: 0471/797384, e-mail: info@lauscdiladins.com

**VINAHOLZ**  
VIERESC · PORTES · AREDAMENT



Urtijëi  
Tel. 0471 796350  
www.vinaholz.com

Plata dl' Union Generala di Ladins dles Dolomites

§ PED. IN A.P. - 45% - art. 2, comma 20/b LEGGE 662/96 (BOLZANO) - Taxe Percue

nr. 44 / 12 de november 2005

# Letres y Atualité

## Lies de mëndra mpurtanza

Cun desplayëi éi audì che Sn. pluan de Urtijëi à dit che l club de chidlé y mo d'otra lies ie de mëndra mpurtanza che l cunsëi de pluania, ntan la perdica de n dumënia dala gran mëssa. Per la cumenanza ie uni lia de mpurtanza, zënza desferenzië danter grandes y pitles, ma per Sn. digan povester no.

Per l Club chidlé, l presidënt Ivan Moroder

## Deguna fossa

Coche uni ann ulovi nce chëst ann dan Unissat jì pra fossa de mi ava te Asëlva cun n valgun ciofs y n valgun cëiresc. Èila ie morta tl 1968. Ntlëuta ovi 12 ani, me lecorde mo avisa de èila.

Canche son ruvà pra fossa me éi sperdù, l ne fova deguna fossa da udëi. N iede me éi mpensà che é falà ju lingia. Ma no, che dlongia fòvel pu la fossa de mi pere, nce èl mort tl 1968.

Ne savan co me n di éi metù cëiresc y ciofs sun fonz. Ti é damandà a n'èila, che jiva nervëusa da na fossa al'otra, cialan for ca a mi, sce la savëssa pa cieche ie suzedù cun la fossa. La me à respundù de ne savëi nia, ma che pudove ti damandé a si uem, che se cruzia dla fosses.

La cossa me savova suspeta, ne ti é nia damandà a chël che se cruzia dla fosses, ratan che èl ne n'ie nia l respunsabl. Son jìt dal Pluan, che me à spiegà che nia la Dlieja ma l Chemun aministrea la curta. Ma èl se à fat marueia che la fossa nia fova nia plu iló. Sun si lista fòvela mo lessù. È rujenà cun l mëune. L semiova nervëus, l se ova bele nmaginà che l pudëssa vester problems, ajache n ne possa nia tò y tres na fossa mé nscila, zënza nfirmé i dré' parënc.

Sun chëla éi nfirmà mi fredesc (un a Viena, l auter a Persenon, l plu vedl ne éi nia pudù nfirmé, ajache tl 2000 ti òvel dat l bôt y ie da ntlëuta iel lëis al 95%, te Cësa di Vedli a Persenon), ti damandan sce zachei savëssa zeche. Duc se à fat marueia y deguni ne savova nia de nia.

L di do à mi fra cherdà su l ambolt, per ti damndé nfirmazions. L à giapà chësc stlarimënt:

L Chemun de Sëlva mëina la curta, ne se damandan nia per la fosses. Nscila ne à nce deguni la rejon de na fossa. La curta ie true' massa pitla y perchël mé per la jënt che sta tlo. L ne tleca nia purté un n iede al ann n valgun ciofs sun fossa. N muessa vijité la fossa

periodicamënter y tres ora y nce cialé lessù. Sceno vën la fossa tëuta demez do 20 ani y do avëi rujenà cun l parënt plu daujin, che sta te Sëlva. La persona vën descanceleda, mé nscila. L Chemun ti à damandàala fëna de mi fra paralisà, èl ne à pu nia da n di, ajache l ne sta nia plu te Sëlva. Do che l ti ova dat l bôt àl debujën de cures tresora, cun 49 ani iel unì menà te Cësa di Vedli a Persenon, ajache te Sëlva ne ulova deguni l avëi. Perchël àl messù mudé la residënza su a Persenon, sceno ne èssel nia pudù unì tëtut su iló. Si fëna à – aldò dla nfirmazion di respunsabli – dat pro che la fossa unissa tëuta y tres.

Audide audide. Sëlva à mé lerch per persones che sta te Sëlva. Sce zachei se n va demez dal luech ulache l ie chersciù su, muessel se tò pea si morc deberieda cun la fosses, sce l ne uel nia che chëstes venie tüttes y tres.

Te ciuna sozietà vivons'a, sce i morc vën descancelei aldò de chisc criteres? Ne à pa nia l mort per sé la rejon de na fossa, de na luegia de lecorc?

Mi ava fova l'oma dl ambolt de Sëlva da ntlëuta. Èila ie morta tl medemo ann coche èl. Chëla fossa ne n'ie mo nia unida tëuta demez. Tulerà pa l Chemun de Sëlva nce tres chësta fossa? Mi pere ie stat maester te Sëlva. Truëp zitadins che à al didancuei danter i 51 y i 65 ani ie jic a scola da èl. Uel pa chisc che la fossa de si maester vënie tëuta y tres?

"Te curta iel nosc lecorc," dij l Vëscul Egger. Sëlva uel mé lecorc per i residënc.

Deventerà pa Sëlva n luech ulache l ie mé lerch per hotels, purtoies dai schi y canons dala nëif, ulache l ne n'ie deguna lerch per la fosses?

Ie me sënthe tuçà y ufendù. Nce mi pere y mi ava l fossa. Chësta ne n'ie deguna moral. Ie spere che un o l auter mé ntënde.

Walter Kasslatter, Urtijëi